



Olga P. Berthelsen  
Inatsisartunut ilaasortaq

**Meeqqat atuarfianni annertusisamik immikkut atuartitsineq pillugu § 37  
naapertorlugu apequteqarninnut nr. 139-mut akissutigineqartut**

26. aug 2011  
Sagsnr. SJ-STD-KAOL  
Dok. Nr. 712743

Asasara Olga P. Berthelsen

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: [kliin@nanoq.gl](mailto:kliin@nanoq.gl)  
[www.nanoq.gl](http://www.nanoq.gl)

Matumuuna § 37 naapertorlugu apequtinnut akissutit:

1. Meeqqat atuarfianni immikkut atuartitsinermut atatillugu Naalakkersuisut, KANUKOKA, Inerisaaviup PPR-illu akornanni suleqatigiinnermut qanoq attuu-massuteqartoqarpa?

AKISSUT: Qulaani pineqartut akornanni immikkut annertusisamik atuartitsisarneq PPR-ilu piinnarnagit kisisannili aamma atuarfik ataatsimut isigalugu oqaloqatigiittoqartarpoq. Taamatut suleqatigiittoqarneranut assersuutissaqqippoq annertusisamik immikkut atuartitsisarneq PPR-illu kommuninut nuunneqarnissaat pillugit isumasioqatigiissitsinissap pilersaarusiorneqarnera ingerlanneqarneralu, tamannalu 2011-mi upernaakkut ingerlanneqarpoq. Isumasioqatigiinnermi PPR-imi allaffinnit tamanit, kommunini atuarfinnut ingerlatsivinnit qinikkaniillu, KANUKOKA-mit, Inerisaavimmit IIN-imiillu peqataaffigineqartumi ilaatigut PPR-imi allaffinni ingerlatsineq perorsaanerlu pillugit misilittakkanik paarlaaqatigiinnerit eqqartorneqarput. Siunertaavoq PPR-imi allaffinni assigiinngitsuni oqaloqatigiittarnerit suleqatigiinnerillu nukittorsarneqarnissaat ilaatigut akuttunngitsumik isumasioqatigiissitsisarnerit aqqutigalugit.

2. Meeqqat atuarfiannit inaarutaasumik soraarummeernermi atuartut angusaasa assigiinnginnerinut atuartut inooqatigiinnikkut aningaasaqarnikkullu atugarisaannik misissueqqissaarneq nassiuiaatit pingaarnersaasa ilagimmassuk, atuartut immikkut ittumik atuartinneqartut imaluunniit immikkut ittumik perorsaariaatsimik tapersorsorneqartut Naalakkersuisut immikkut ittumik qitiutinniarpaat?

AKISSUT: Atuarfitsialammik iluarsartuussinermi anguniarneqartoq tassaavoq meeqqat tamarmik sumit pisuunerat apeqqutaatinnagu atuartitsineramik pitsaasumik inuttaannullu tulluatumik atuartinneqarnissaannik neqeroorfigineqassasut – tamatumani minnerunngitsumik pineqarput immikkut atuartinneqartartut. Taamaammatt Naalakkersuisunit meeqqat atuarfianni atuartut tamarmik qitiutinneqarput. Tamanna kingullermik ersersinneqarpoq meeqqat atuarfiannik tamanut saqqummiunneqartumik qiterpaarnermi nalilersuisoqarnerani. Naalakkersuisut isumaqarput PPR-ip nuunneqarneratigut peqataanillu siusissukkut Meeqqanut Inuusuttunullu Periusissami suliniutinut ilaasuni pissutsit atugarisallu atuartunut tamatumani pineqartunut sunniuteqarsinnaasut iluaqutaasinnaajumaartut. Ilutigitillugu nassuerutigissavarput atuartut inuuniarnikkut aningaasaqarnikkullu atugarisaasa atuartitsinermilu pissarsiarisinnaasaasa akornanni ataqatigiittoqarnersoq massakkorpiaq annikitsuinnarmik ilisimasaqarfigineqarmata. Aammattaaq ilisimasaqarnerulernissap aanerulernissaa aammalu atuartitsinerup pitsaassusaata sunniuteqarsinnaanerullu ineriartorneranik suliaqarnerup uppersarneqarnissaat pisariaqartinneqarpoq. Suliassaq tamanna Ilisimatusarfimmi Ilinniaatsit pilugit institutimit isumagineqarpoq.

3. Atuartut immikkut ittumik pisariaqartitsisut atuartissinnaajumallugit ilinniartitsisut immikkut ittumik ilinniartitsisartut tamarmik pinngitsooratik ilinniarsimasuunissaat imaluunniit pikkorissartarnissaat Naalakkersuisut sulissutiginiarpaat?

AKISSUT: Meeqqat atuarfianni immikkut ittumik atuartitsisarneq aammalu alammik immikkut perorsaanikkut ikiorsiisarneq pillugu Namminersorlutik Oqartussat nalunaarutaanni nr. 22, 23. juli 1998-imeersumi § 7, imm. 1 malillugu pinngitsoorani immikkut atuartitsinerit ingerlanneqartartussaapput ilinniartitsisunit immikkut ittumik ilinniarsimasunit. Kissaatigissallugu takorloorneqarsinnaagaluarpog atuartitsineramik ingerlatsiviusuni taamatut ingerlatsisoqarnissaa, ajorluartumilli pissusiviusut allaapput. Soorlu ilisimaneqartutut atorfinnut taakkununga immikkut ittumik ilinniarsimasunik ilinniartitsinissaq annertuumik ajornartorsiutaavoq.

4. Immikkut ittumik ilinniartitsisoq immikkut ittumik ilinniartitsinerminut atatillugu ilitsersorneqarusukkuni siunnersorneqarusukkuniluunniit, ilinniartitsisoq sumut saaffiginnissava? Aamma immikkut ittumik ilinniartitsineq eqqarsaatigalugu perorsaariaatsimut akisussaaffimmik tamarmiusumik eqiteriffiusumik immikkoortoqarfeqarpa? Imaluunniit meeqqat atuarfianni immikkut ittumik atuartitsinermit piginnaasat akisussaanerlu akerlianik immikkoortoqarfinnut assigiinngitsunut agguataagaappat? Kingulleq attuuppat, taamatut inneranut tunuliaqutaasooq pillugu Naalackersuisut nassuiaateqaqquneqarput, aammalu taamatut inneratigut suut pitsaaqutitut aamma/imaluunniit ajoqutitut Naalackersuisut isigineraat nassuiaqquneqarluni.

AKISSUT: Ilinniartitsisoq immikkut ilinniartitsinermit siunnersortimut saaffiginnittussaavoq, taannaavormi PPR-imut qanimut attaveqartuusoq, tassanngalu pisariaqartinneqartumik siunnersorneqartarluni.

Atuarfimmi pisortaq immikkut atuartitsinermit akisussaasuvoq.

5. Atuartut immikkut ittumik ilinniartinneqartut meeqqat atuarfianni inaarutaasumik soraarummeernernut ilumut peqataasannginnerat Akileraartarnermut Atugarissaarnermullu ataatsimiititaliarsuup allassimasaa (qupperneq 31) eqqortuuva, taamaassimappallu tamanna naapertuuttutut isigineqarpa?

AKISSUT: Atuartut tamarmik aallaaviatigut inaarutaasumik misilitsinnermikkut meeqqat atuarfiannik naammassinnittussaapput. Atuartoq misilitsinngitsoorsinnaavoq pineqartoq misilitsinerni ataasiakkaani piumasarineqartunut naammassinnissinnaanngitsutut nalilerneqarpat. Atuarfimmi pisortaaup atuartoq taassumalu angajoqqaavi suleqatigiillutik aalajangigassaraat atuartoq misilitsinngitsuussanersoq. Aalajangiineq taanna pisarpoq atuartut piginnaasatigut ajornartorsiuteqartut immikkut naliliiffigineqarpata meeqqat atuarfianni inaarutaasumik nalilersuinerit naammaginartumik pissarsiaqarlutik naammassisinnaassanngikkaat.

6. Meeqqat immikkut ittumik atuartitaasimasut meeqqat atuarfiata kingorna qanoq pisarnerannik oqaluttuarsinnaasunik ilisimasanik paasissutissanilluunniit tulleriinnilersorsuugaasunik peqartoqarnersoq Naalackersuisut oqaatigisinnaavaat?

AKISSUT: Naalackersuisut maannakkorpiaq ilisimasaqarfiginngilaat immikkut atuartinneqarsimasut meeqqat atuarfiannik naammassinnereeraangamik qanoq pineqartarnerannut aqqissuussamik ilisimasanik paasissutissanillu peqartoqarnersoq.

7. Immikkut ittumik atuartitsinerup sunniutaa misissorniarlugu, immikkut ittumik atuartitsinerup nalilersornissaa pillugu Naalackersuisut eqqarsaatersuuteqarpat imaluunniit aalajangersimasunik pilersaaruteqarlutik? Aamma misissuinermik taamatut ittumik ilaannakortumilluunniit siusinnerusukkut ingerlatsisoqareernikuuva? Misissuisoqarsimappat, misissuinerup inernerit pillugit Naalackersuisut naatsumik nassuiaateqaqquneqarput.

AKISSUT: Naalackersuisut nuna tamakkerlugu immikkut atuartitsinerup sunniutaasa misissuiffiqeqarnerannik ilisimasaqanngillat. Meeqqat atuarianni atuartitsissutit tamarmik ingerlaavartumik nalilersorneqartartussaapput, tassunga ilaalluni immikkut atuartitsineq. Taamaammat Naalackersuisut Inerisaavimmik, PPR-imik kommuninillu qanoq isilluni tamatuma nalilersorneqarsinnaanera pillugu oqaloqatigiittarnitik nanginniarpaat.

8. Siunissami immikkut ittumik atuartitsineq allatigullu immikkut ittumik perorsaariaaseqarluni ikiorsiineq pillugit Naalackersuisut sunik takorluugaqarpat?

AKISSUT: Naalackersuisut takorluugaraat immikkut atuartitsinermut allatigullu perorsaanikkut ikiorsiinermut akisussaaffik tamarmi PPR ilanngullugu kommuninut tunniunneqassasut, atuartitsinermilu anguniarneqassasoq atuartut tamarmik – piginnaasaat apeqqutaatinnagit – atuartinneqartassasut qanoq pisariaqartitaqarnerat piumasaqarnerilu aallaavigalugit. Takorluugaq tamanna kommunit suleqatigalugit anguneqassaaq.

9. Akileraartarnermut Atugarissaarnermullu ataatsimiititaliarsuup oqaatigaa nalinginnaasumik immikkut ittumik atuartitsinerup aamma annertusisamik immikkut ittumik atuartitsinerup immikkoortinneqarnerisa ingerlateqqiinnarnerat kommunit aamma Namminersorlutik Oqartussat avitseqatigiillutik aningaasalersuinerannut atatillugu ajornartorsiutinik nassataqartartoq, taamatut avitseqatigiittarnikkut kommunit aningaasaqarneq pissutigalugu atuartut immikkut atuartitsinerumut nalinginnaasumut innersuunnagit immikkut atuartitsinerumut annertusisamut innersuussinissartik orniginerusarunarmassuk. Ajornartorsiut tamanna, tamatumalu kinguneranik aningaasatigut qanoq annertutigisumik kinguneqarnera Naalakkersuisut qanoq nalilerpaat?

AKISSUT: PPR nangittumik atuarfimmi aqutsisuusut suleqatigalugit aningaasat immikkut annertusisamik atuartitsinerumut siunertat malillugit qulakkiissavaat. Naalakkersuisut nalinginnaasumik immikkut atuartitsinermik aamma annertusisamik immikkut atuartitsinermik akisussaaffeqarneq Namminersorlutik Oqartussanit kommuniniillu avinneqannginnissaa isumaqatigaat. Aningaasaqarnermik pissuteqartumik annertusisamik immikkut atuartitsinerni atuartunik aallartitsisoqarsinnaanera pinngitsoortinniarlugu annertusisamik immikkut atuartitsinerumut akisussaaffik kommuninut tunniunneqartariaqarpoq.

10. Ungasinngitsukkut isumasioqatigiinnermi IIN-imit aqqissugaasumi oqaatigineqarpoq atuartut annertusisamik immikkut ittumik atuartinneqartut ilarpassui amerlaqisut timelærerinit imaluunniit ilinniartitsisunit immikkut ittumik perorsaariaatsinik ilisimasaqanngitsunit atuartitaasarnerat annertuumik ajornartorsiutaasoq.

Allaat oqaatigineqarpoq immikkut ittumik atuartitsineq ilinniartitsisunit naammaginar-tumik ilisimasaqanngitsunit ingerlanneqarpat, meeqqat atuartinneqartut atugarisaat ajornerulersiinnarneqarsinnaasut.

Peqatigisaanillu eqqarsaatigigaanni Akileraartarnermut Atugarissaarnermullu ataatsimiititaliarsuup naatsorsorsimagaa immikkut ittumik atuartitsinerit 54,7%-iisa missingi ilinniartitsisunit naammaginartumik piginnaasaqanngitsunit ingerlanneqartartut (qupperneq 30), aamma atuartut 475-t 2011-mi immikkut ittumik annertusisamik atuartinneqarnissaat naatsorsuutigineqartoq Aningaasanut Inatsimmi takuneqarsinnaalluni (Konto pingaarneq 40.10.13-mut missingersuutitut ilanngunneqartoq), taava "Atuarfitsialak"-mik taagorneqartumi ukiormannaannaq meeqqat immikkut ittumik atuartinneqarnissamut pisariaqartitsisut 260-t missaat ilikkagaqarsinnaassutsi-mikkut atugarisaat toqqaannartumik ajorseriarsinnaasut naatsorsorsinnaavarput. Ataani atsiortoq assigalugu Naalakkersuisut isumaqarpat tamanna aarlerinarluinnartuusoq, ajornartorsiullu unigani suliniuteqargineqartariaqartoq? Taamaappat Naalakkersuisut qanoq iliorlutik suliniuteqarniarpat?

AKISSUT: Naalakkersuisut isumaqatigaat atuartut immikkut annertusisamik atuartinneqartut taamak amerlatigisut ilinniartitsisunit ilinniartitsisutut ilinniar-simannngitsunit atuartinneqartarnerat pitsaanerpaajunngimmat. Taamaattumik sumiiffinni ilinniartitsisunik annertusisamik immikkut atuartitsinerimi ilinniartit-sinissamut pisinnaasaqartunik atorfinitsitsisoqarnissaa anguniarneqartariaqarpoq.

Inussiarnersumik inuulluaqqusilluta  
Med venlig hilsen



Palle Christiansen